



03956

湘筠館詞序

國朝詞林

六律圖

往從隨園先生歸娶圖中見碧梧女士所題金縷曲歎其工麗閱二十年又於其從叔華海圖中見所作詞清新婉美在夢隄竹山之間視前又加工焉湖樓展卷吟賞不寘已而花海出女士所爲湘筠館詞見示且曰女士嘗讀蘅夢浮詹二集以爲獨出冠時敢以所著商榷且乞一言序之夫余何足以序女士之詞因念曩時年少氣盛尺蹠寸管妄欲追逐前人世運而往回翔頓挫悲愉哀樂感其中窮愁遼落抑鬱阨塞之境接乎外在苒遲暮

湘筠館詞序

一

舊學忽忘平昔所刻意究心者皆不足以自信而況茆茆之辭乎女士笄總就傳婉婉媚學藉蘭綺之門承中郎之業自其髫年才名藉甚望之若鸞皇鶯鶯之在雲路而琅璈笙管之奏飄天風而偶聞人間也乃今讀其詞悲離傷逝哀往悼來愀然以憂悄然以思琤然流泉之鳴澗雜然寒蛩之弔秋孤鳥之鳴春葢其二十年中喪回身世於家門之榮落骨肉之聚散人事之變易軫紆結轡一寓于詞其詞益工其遇益窮歐陽子之言徵諸閨閣而猶信其亦可感已矣雖然二十年來遊於隨園

之門者聲華銷謝翳然在亡而女士之所就如此
則其遇未爲不幸而余亦竊有以自廣請華海以
此言復於女士以爲何如也嘉慶丙寅十月吳江
郭麐撰

湘筠館詞卷上

仁和孫雲鳳

菩薩蠻

玉階露冷蟲聲咽珠簾影透玲瓏月長夜夢難成
秋窗不肯明柳眉花似臉鎖日深閨掩人立小
闌干鶯花春正殘

如夢令

落梅

睡起捲簾無力薄暮曲闌閒立細雨勒輕寒一陣
落梅風急堪惜堪惜吹散滿庭香雪

蝶戀花

春暮

一枕梨雲天欲暮春夢縹緲又被啼鶯妒髻子半
偏無意緒金爐慵把沈檀炷畱得殘春無繫處
怪底東風吹向天涯去蝶粉暗粘簾外絮黃昏幾
點催花雨

訴衷情

紅樓夢斷曉啼鶯繡幕峭寒生二月江南春晚深
巷賣花聲苔蘚薄柳煙輕最淒清昨宵風雨今
朝寒食來日清明

少年遊

淡掃蛾眉輕盤螺髻妝罷更塗黃雲母屏前水晶

簾外荷氣雜衣香 晚來放艇波心去獨自覓清涼
笑摘青蓮故驚女伴隔水打鴛鴦

菩薩蠻

小庭日午東風暖絮飛花落春過半鄉思隔關山
開籠放白鷗 夜深燈有暈煙斷香初燼玉漏莫
教催夢和潮水回

浣溪沙

舊夢依依睡起遲春慵無力試單衣薄寒天氣賣
花時 細雨輕煙鶯百囀暖風斜日燕雙飛畫樓
東畔小堂西

湘筍館詞卷上

二

賀新涼

題隨園先生歸娶圖

驄馬東風立有丹青公然畱住少年顏色聞把生
綃重展處脈脈自憐陳跡回首憶玉堂瑤席故我
今吾誰解認喜妝臺猶有人能識春夢語感而述
金蓮寶炬人難得況而今杖朝已近尚調琴瑟
如此恩榮如此壽千古才人第一眞不羨蓬萊仙
客佳話流傳如隔世念門人早晚從何說長短句
聊塞責

菩薩蠻

秋夜與仙品妹聯句

玉階人靜啼蟲寂銀屏夢斷砧聲急 碧梧 疎樹帶

微霜小堂秋思長

仙品

隔窗燈閃暈浙瀝西風

繁

仙品 深夜莫憑闌月高清影寒

碧梧

點絳脣

扇怯輕羅捲簾漸覺秋光冷小庭人靜疎柳和煙
暝 點點流螢入戶飛難定闌重凭風聲月影還
是當年境

相見歡

年時小立苔茵燕依人記得柳花如雪正殘春
砧聲急蟲聲咽忍教聞又是梧桐深院月黃昏

昭君怨

斜日半簾飛絮昨夜小樓風雨闌外不勝情晚寒
生 芳草綠迷歸路門掩落花無數春夢不分明
恨啼鶯

浣溪沙

茉莉

纖手分來點鬢疎幽香開遍一株株星星如玉復
如珠 團扇夢回新雨後綠窗人浴晚涼初小廊
風透碧紗廚

菩薩蠻

華堂宴罷笙歌歇夜深香裊爐煙碧酒醒小屏風
燭花相對紅 玉釵金翠鈿柳葉雙蛾淺日午未

成妝繡裙雙鳳凰

又

翠衾錦帳春寒夜銀屏風細燈花謝鴛枕夢難成
綠窗啼曉鶯愁來天不管鬢墮眉痕淺燕子不
還家東風天一涯

如夢令

簾捲綠窗風定雲鬢起來慵整羅襪下階行還是
去年風景人靜人靜日午烏啼花影

又

啼鴂一聲何處芳草綠迷歸路風暖日初長午倦

倚闌無緒春去春去門掩落花紅雨

湘筠館詞卷上

四

沁園春

屑

織似蛾兒翠分螺子柳葉半彎憶錦屏嬌倚月橫
秋水繡衾慵起霧鎖春山翻譜鮮新入時深淺女
伴端詳可否間消魂處向碧紗窗下畫了重看

含情醉撥么絃覺紅泛桃腮黛更妍但傾城一笑
舒來堪愛捧心無語顰亦增憐秀視風鬟長侵雲
鬢昔日文君欲比肩風流甚怕脂凝粉污淡掃朝

天

沁園春

鬢

掠月梳雲宜貼花鈿低叢玉容怕涼秋微脫薄施
螺翠朔風易透密護貂茸粉項初垂香腮欲度半
倚屏山記乍逢嬌慵甚怪金釵斜溜一縷兜鬆
水晶簾子玲瓏看睡起分明曉霧籠愛雛年新攏
鏡臨秋水雙星悄拜指拂春蔥膩刷鴉青輕裁蟬
翼卻稱單衫杏子紅華筵散隔香燈悵望兩兩巫
峰

浣溪沙

十二珠簾掩碧牕懶吟慵繡不成妝困人時節日
初長 湖水雨餘浮鴨綠柳絲風暖漾鵝黃畫船

湘筠館詞卷上

五

猶記落花香

十六字令

明雨過南軒月影橫疎簾捲滅燭坐調笙

南鄉子

與仙品妹話別

無計可商量離思千重淚萬行庭院晚來天欲雨
風狂明日扁舟莫渡江 十二碧紗窗裊盡金爐
小篆香說著舊遊心轉悶難忘雪月花時最斷腸

清平樂

與仙品妹聯句

月明風細碧梧雲淡魚鱗碎仙品身倚闌干心似
醉碧梧種種別離滋味仙品今宵燭剪窗紗碧

梧
明年書寄天涯仙品 簾幙愁深燕子碧梧 煙波

夢繞蘆花仙品

憶秦娥 送仙品妹

鶯啼急落花滿地無人惜無人惜尊前別酒天涯
行客 匆匆折柳流觴節孤舟風味誰禁得誰禁
得暮鴉殘照水聲山色

臨江仙

晝永深閨簾不捲紗窗風裊爐煙最無聊賴是今
年夜闌消夢雨春盡落花天 記得陽關低唱處
河梁回首潸然從來聚散總前緣行雲無去住明

月有虧圓

少年游 立夏

著柳煙濃送春細雨猶覺峭寒生簾影參差綠陰
長晝枝上杜鵑聲 去年今日闌干外日暖午風
輕紅摘櫻桃青拈梅子何處寄離情

柳梢青

紅藥東風綠陰疎雨何處鳴鳩門掩殘春簾垂清
晝人倚高樓 絲絲不斷離愁似芳草萋萋遍洲
天若有情月如無恨水亦西流

蘇幕遮

白蘋洲黃葉渡雲靜秋空人逐飛鴻去目斷高樓
天欲暮遠水孤帆衰草斜陽路 漏聲沈桐影午
江闊山遙有夢還難度簾外霜寒風不住明月蘆
花今夜知何處

浪淘沙

風靜繡簾閒燕語梁間小樓詩酒憶當年今日西
窗重翦燭細雨輕寒 花事正闌珊又唱陽關夕
陽春水木蘭船斜立畫屏煙篆冷月到闌干

憶故人

桂子香清燭影寒正玉殿開瑤闕圍碁花底惜更
闌人靜爐煙歇 又是中秋時節獨凭闌西風浙
浙一天涼露滿院蛩聲半堵明月

菩薩蠻

小庭春去重簾下東風一霎吹花謝底事惜分飛
隔牕啼子規 舉頭還見月脈脈傷行色今夜莫
教寒有人羅袂單

點絳脣

折柳尊前離亭歌罷西風冷路遙酒醒立盡斜陽
影 流水行雲從此知難定闌休凭月殘煙暝總
是淒涼境

清平樂

看花賭酒樂事何年又門巷消魂重插柳細雨禁
煙時候庭中明月團圓天涯芳草芊緜夜夜小
樓春夢隨風飛度關山

菩薩蠻

晴絲搖曳東風午紗窗夢遶屏山路日暖杏花香
小庭春晝長燕歸簾乍捲幽思天涯遠新月半
黃昏行人江上村

水龍吟

日斜微雨初晴薄寒天氣清明矣重門半掩疎簾

湘筇館詞卷上

八

低捲單羅衫子芳草池塘落花庭院黃昏獨自裊
紗窗篆縷東風乍暖闌干外春過二回首舊時
游處問年來幾番桃李浮雲一別暮煙孤棹曉霜
征轡雁字無憑秋聲又起魚沈江水但團圓今夜
小樓明月照人千里

菩薩蠻

日長深柳黃鸝嚙繡牀風緊紅絲亂微雨又殘春
落花深掩門高樓肩暗蹙芳草依然綠酒醒一
燈昏思多夢似眞

又

爐煙裊裊人初定紗窗月上梨花影春色自年年
故人山上山 露寒風更急此景還如昔記得倚
闌干夜深人未眠

點絳脣

一枕秋聲殘燈夢斷分襟處一番愁緒墜下梧桐
雨 記得匆匆深院畱春住簾垂戶鶯啼燕語日
暖花陰午

一落索

寄仙品

茸茸芳草煙籠碧又逢春色落花啼鳥已消魂忍
更作天涯客 階下苔生行跡斷無消息小樓一
夜雨和風都吹入淒涼笛

湘笛笛詞卷上

九

清平樂

繡簾慵捲篆縷迴腸轉臨鏡自思人近遠忘了畫
眉深淺 單衣初試寒輕錦屏閒卻銀箏又是清
明時節落花窗外啼鶯

菩薩蠻

陰陰細柳深深院日長睡起簾初捲花底蝶成團
背人偷倚闌 綠窗春繡倦意緒柔絲亂枝上子
規啼遼陽音信稀

相見歡

梧桐澹影層樓下簾鉤消得幾番疎雨幾番秋
金爐篆風吹亂寫春愁何處飛來殘夢五更頭

清平樂

日長春去只是無情緒柳下重門花下路記得舊
曾游處輕寒小雨初晴暖風處處啼鶯闌外海
棠花謝天涯歸信無憑

又

畱春不住一任春歸去門外馬嘶芳草路花落子
規啼處陌頭柳色青青絲絲欲縮離情閒卻鴛
鴦繡譜畫屏獨背銀燈

湘筠館詞卷上

十

憶秦娥

立夏寄仙品

人天未綠肥紅瘦和誰說和誰說故鄉櫻筍他鄉
風月閒庭春去愁還結脆圓薦酒醪醪節醪醪
節此時此景一般傷別

邁陂塘

燈花

問青燈今夕何夕空閨向人花吐愁多翠葉睂常
聚又禁密珠如語秋又暮更窗外蕭蕭幾陣芭蕉
雨無聊心緒怕玉子敲殘金釵撥墜千里阻魚素
凝思處繡幙蘭膏月午微風影搖煙縷酒闌背
壁垂垂影似妒江郎仙句占屢誤但冷結閒開報

喜偏難據蟲聲正苦伴淺碧輕紅遠情深恨相對
共淒楚

水龍吟 游絲

雨晴乍暖猶寒清明時節閒庭院飛花簾幙輕煙
池館繡牀鍼綫曲曲迴腸悠悠愁緒隨伊縈轉颺
芳郊翠陌流雲去水渾無著教誰管 九十韶華
過半記南園踏青歸晚晚紅香影裏綠陰疎處飄揚
近遠搖漾吟魂惜騰午夢頓成春懶但垂垂斜日
小闌人靜晝長風軟

百字令

和花海叔韻兼寄仙品

湘筠館詞卷上

七

喧蜂鬧蝶倚薰籠繡倦綠窗殘縷闌外風傳花信
息廿四番今過五杏雨霏紅柳波漾碧芳草無情
緒重門深掩任他春色如許 猶記社日停鍼雕
梁燕子還覓年時侶舊恨新愁拋未得種種都來
膾嫵芳信魚沈新詞韻險沒個商量處黃昏月冷
畫屏斜立無語

虞美人

昨年燕子啣花去春色畱難住前年人倚畫樓東
惆悵一簾飛絮暮煙中 今年又是醱醑節此景
還如昔小廊立盡看歸雅卻恨無情芳草遍天涯

點絳脣 春草憶仙品

翠倚疎簾昨宵夢冷池塘雨天涯離緒歲歲和春
住 又是年時煙鎖垂楊渡斜陽暮片帆何處綠
遍歸來路

浣溪沙

愁裏韶華別後心冷吟閒坐又春深青楸如豆柳
成陰 曉鏡芻尼啼綠樹夜窗蟾子上羅襟天涯
何事信沈沈

清平樂

雨夜懷仙品妹

風寒雨細釀作愁滋味鴛枕半欹人不寐點滴綠
蕉聲碎 當時翦燭牕西而今月黑雲迷記共海
棠深夜玉階飛上羅衣

湘筠館詞卷下

仁和孫雲鳳碧梧

聲聲慢

題花海叔惜花春起早圖

柳塘殘月水閣明霞闌干十二新晴弄影霏香東
風吹徧園亭簾前幾番芳訊勒花梢燕子寒輕最
怕是隔紅牆彈鵲綴上金鈴吟罷焦桐漫撫向
疎窗曲檻獨自閒凭百五韶華都教付與啼鶯催
動千林曉色聽數聲畫鼓春城無人會是搓酥滴
露一種柔情

菩薩蠻

迴文寄仙品妹

湘筠館詞卷下

一

小簾疎雨花飛曉曉飛花雨疎簾小寒峭聲哀單
單衾覺峭寒燕歸傷客遠遠客傷歸燕愁莫倚
高樓樓高莫倚愁

浪淘沙

風螢

青影亂簾旌點點春星碧天如水月華明深院夜
涼人乍定吹墮銀屏闌外竹聲清半臂紗輕玉
堵猶憶那時情團扇軟羅兜不住茉莉釵橫

沁園春

粉撲

薄絮團雲紅絲裏雪製擬圓蟾見幾回睡起枕痕
徐拭七盤舞倦香汗微粘朱戶春閒絳臺晝永暖

玉無瑕掩翠奩看花去愛女郎代撲一笑輕拈
五絲纏勝吳蠶更熨貼還將繡樣添漫愁多慵抹
柳眉翠減酒深羞搵杏頰朝酣浴罷銀屏妝成珠
箔白覆蘭胸透茜衫難忘處羨芙蓉鏡畔得近織
織

鷓鴣天

贈度曲女郎

細雨和風溼繡簾春寒初試越羅衫綠楊影裏鶯
聲滑紅杏香中蝶夢酣 思往事憶江南翠屏銀
燭黛蛾纖而今冷夢閒牕夜明月無情墮畫檐

清平樂

懷仙品妹

湘筠館詞卷下

二

翳爐煙亂燭影瓶花短魚雁不來消息斷寂寞錦
屏人遠 任他女伴嬉游一春常掩高樓除卻雕
梁燕子無人解得春愁

浣溪沙

小院濃陰綠更幽鷓鴣聲裏夕陽收棗花微雨釀
成秋 涼月玉簫懷舊夢東風池草惹新愁一春
心事倚高樓

長亭怨慢

畫梅寄仙品作此闕題其上

看點點林梢初透倚竹無言暗香盈袖水遠天長
素心獨抱向誰剖粉融脂溜纔過卻燒燈後望斷

隴頭雲鎖寂寞雙蛾頻皺 記否共巡檐索句手
撚一枝還嗅江城玉笛翻吹出關山楊柳早又是
淡月疎簾照清影和人俱瘦縱筆吐江花難寫春
風如舊

菩薩蠻 七夕

年時女伴年時院迎風鬥巧誇鍼綫拜罷燭花明
羅衣香暗生 事隨流水去此恨憑誰語涼動畫
屏秋黃昏月一鉤

祝英臺近 端午寄仙品妹

繡簾垂朱戶靜庭午柳陰直堦下榴花獨自忍攀

湘簫館詞卷下

三

摘那堪艾虎懸絲鬢絨貼勝空凝望海天空闊
總休說猶記葵扇題詩釵映越羅雪撚指流光屑
翠總成結負他兩度薰風幾番梅雨想懷抱也應
非昔

眼兒嬌 題仕女圖

雲鬟玉貌小庭深閒卻紫瓊琴春纖乍露銀毫未
落幾度沈吟 井梧攪得西風碎清露滴羅襟三
分月色半痕煙影一點秋心

少年游 夢

梨雲縹緲東風料峭寒戀繡衾重庭院遊絲池塘

芳草勾惹一春中
錦屏晝永無聊甚鴛枕乍朦
朧莫打黃鶯隨他蝴蝶飛入杏花叢

念奴嬌 玉蘭寄仙品妹

玉梅未落早東風作弄浴蠶時節衣卸湖縣猶道
暖直似殘春無別柳眼全舒蕉心欲展芳草連天
未闌干凝望玉蘭開遍如雪 猶記昔日東牆海
棠嬌倚半被輕寒勒最是黃昏疎雨過掩映晶簾
明月摘粉香清煎酥色膩庭下曾攀折綠牕人遠
此情還共誰說

憶秦娥

湘筇館詞卷下

四

秋蕭瑟黃昏獨坐窗兒黑窗兒黑風風雨雨怎生
眠得 魚沈雁杳關山隔故園又近茱萸節茱萸
節遠書不至鐙花空結

滿江紅

題燭溪叔祖篷窗聽雨圖

一舸西風吹暮雨沙清渚白儘吟嘯水雲深處鷺
聞鷗逸帆挂鄉心生遠浦艣搖涼夢依秋荻響蕭
蕭夜半聽無眠情懷別 漁火亂篷窗寂峰隱翠
波涵碧正暗潮吞吐斷崖千尺點點輕迷天際樹
聲聲清入煙中笛展新圖忽憶下瀟湘渾如昔

浣溪沙

簾捲東風燕子飛杏花天氣賣餉時年年孤卻踏
青期 繡榻春閒人悄悄畫屏寒淺漏遲遲小窗
和月寫橫枝

祝英臺近

自題畫木芙蓉

碧雲高黃葉卷霜冷小庭院聞說芙蓉隔岸已開
遍最憐寫入西風美人清怨暗驚覺流光催換
慢畱戀試看無語盈盈露溼絳羅軟渺渺余懷天
際綠波遠恍疑蘭槳歸來醉紅零亂正一片暮江
秋晚

喝火令

題余慈柏秋江獨釣圖

湘筠館詞卷下

五

天淨明霞斂山遙翠黛浮瀟湘煙景畫中收輸與
長竿裊裊獨自釣清流 逸思冥冥雁閒情點點
鷗斷無人處一扁舟只有斜陽只有晚風柔只有
荻花楓葉月冷半江秋

疎簾淡月

題李晨蘭女史茶煙煮夢圖

蕉陰竹影併攪碎斜陽雨晴庭院靜倚妝臺衣怯
軟羅寒淺鳳團初熟瓶笙沸悄無人繡帷低捲星
眸乍合雲鬟半墮綠窗吟倦 又何處西風吹斷
正池生謝草花開江管綠雪冰泉肯許煩襟同浣
憑誰喚醒靈心問望吳江波闊天遠碧煙空繞清

香漫惹畫屏秋晚

鵲橋仙 七夕

蛛絲屋角蟬琴樹杪雨歇黃昏新露月鉤半吐畫
屏秋早逗得一番涼意 吟箋爭擘繡絨分割不
是年時風味調脂膩粉染幽花要乞取天孫巧思
十六字令

輕日暖紗窗風細生瓶花落蝴蝶上簾旌

又

聽六曲屏山倚曉晴流鶯囀風遞隔花聲

菩薩蠻 寄仙品妹

湘筠館詞卷下

六

繡衾不寐愁如織玉爐煙裊紗窗碧殘月照簾鉤
雁聲寒帶秋 夜闌人寂寂何處高樓笛燈背小
屏孤夢無書也無

如夢令 游絲

裊裊亂粘花絮撩擾綠窗情緒無賴是東風依約
欲飛還住無據無據爲我帶將愁去

清平樂 次花海叔湖上韻

晴絲風亂花裏紅牆短一抹柳煙疎欲斷春色六
橋重見 衣香鬢影輕舟金尊檀板層樓獨向小
窗閒坐滿庭細草生愁

浣溪沙

自題畫梅

冷蘂飛香上筆端
早春消息隴雲寒
東風欲寄一枝難
似色似空和月折
非煙非霧卷簾看
黃昏清影到闌干

沁園春

簾

玳瑁斑勻水精波靜
十二闌干記看花樓上卷殘
暮雨畫詹窗下遮
卻朝寒鏡映青環曲傳紅豆魂
斷房櫳隱隱間東風
峭愛玉纖半揭杏子衫單
玲瓏明月團圞
莫深坐顰詹永夜看想畫廊人倦
銀鈎斜控雕梁
燕穩絲索低懸草色遙侵花香不
礙鏡匣無塵
裊篆煙湘紋隔悵濛濛絮影庭院春

湘筠館詞卷下

七

閑

浪淘沙

題嫺卿妹停琴佇月圖

金鴨篆煙沈風滿羅襟暮霞紅斷
碧雲深輸與阿連清興好石上橫琴
獨坐漫沈吟空際餘音待
他蟾影挂疎林一院嫩涼閒不寐
無限秋心

點絳脣

題備之叔醉墨圖

座上春風卷簾爐篆飄窗牖
娛清晝墨花香透滋味濃于酒
滿紙淋漓一試揮毫手披圖久硯池
波皺腕底煙雲走

十二時

題郭頻迦浮屠樓圖

霏霏煙影濛濛柳色盈盈秋水高樓正相對有伊人凝睇十幅蒲帆歸去矣錦屏前水晶簾底雙蛾代描卻比遙山還翠

虞美人

自題海棠畫幀

鹿盧破夢鶯啼曉庭外春多少禁煙時節柳絲風吹得海棠枝上幾分紅黃昏月澹紗窗薄掩映闌干角脂鮮黛綠總難描猶比桃花丰韻杏花嬌

減字木蘭花

自題畫梅

疎窗寒色獨抱冰心誰似得瘦格玲瓏人倚珠簾

第幾重

風多霧重昨夜冷香吹入夢檢點繁枝

猶勝春前雪壓時

齊天樂

題汪姑母感燕圖

鏡容已自分鸞影喃喃更聞孤語漠漠春深陰晝永似怨東風無侶將飛又住念憔悴紅窗伴人閒處那更黃昏杏梁相對暗酸楚迴腸繫將絲縷鎮沈吟小坐纖指頻撫柳絮池塘梨花簾幙不是年時情緒流光暗度記社日停鍼幾回延佇莫便秋來嫩涼催欲去

疏影

題梁蕉屏表叔撫梅圖

古梅瘦石似隱棲九里斷無塵跡枝北枝南雪後
霜前幾度問他消息沈吟樹底摩挲徧定寫入春
風仙筆愛滿庭澹影疎香有幾人消得 猶記孤
山山下凍雲吹散也一湖寒碧渺矣林逋寂寞空
亭何似此中清絕幽懷盡日忘言坐共抱卻冬心
高潔想月明煙冷黃昏還有翠禽曾識

賣花聲

題邵庵叔桃花流水圖

深樹睂晴煙棲處悠然游蹤常共白雲還細認仙
凡都不是好个溪山 黃鳥聽間關翠草芊緜紙
窗竹屋小吟箋飛盡桃花渾不語贏得春閒

應天長

湘筠館詞卷下

九

錦衾香冷消蘭麝明鏡黛眉慵不畫重簾下憐深
夜細雨短檠寒穗謝 柳梢新月挂記得晚涼初
夏花底酒闌歌罷个儂蟬鬢卸

浪淘沙

題郭頻迦春山埋玉圖

香篆鎖重雲夢也還眞年年芳草認羅裙只有玉
梅花萬點月逗春痕 寂寞軟紅塵玉碎珠分雪
膚花貌可憐人隔个綠波招不得黯盡吟魂

轉應詞

庭院庭院薄暮東風吹遍畫梁雙燕初歸惆悵天

涯絮飛飛絮飛絮人在繡簾深處

虞美人

題秀芬妹額粉庵聯吟圖

翠屏良夜疎簾曉雪月花時好鸞牋爭擘句先成
應憶謝庭風絮那時情 池塘夢草籠煙碧江水
盈盈隔靈心試問綠窗人分得畫眉仙筆幾分春
又題蔣花小築春餞圖送許宜芳女史于歸吳門

屏開孔雀杯浮綠有个人如玉東風明月片帆輕
兩點修蛾新門遠山青 瑤笙翠管相催去紫燕

雙飛處一庭春影醉斜陽無限濃花薰得綺羅香

探春慢

題管湘玉女史小鷗波館小影

湘筠館詞卷下

十

高閣凌空層樓倒影一片澄波如練門鴨闌邊聽
鷗柳外隱映春風人面愛茜紗牖曲半遮住畫屏
山遠最好明月圓時溶溶搖漾光滿 絕代名姝
有幾羨玉貌清才仲姬重見白雪吟成綠筠寫罷
閒卻生花銀管無語閑凭處掩翠袖越羅香軟煙
斂黃昏碧痕飛上眉淺

齊天樂

咏白秋海棠兼憶仙品妹

蓮衣未褪星期過閑庭嫩涼天氣寂寂牆陰深深
苔罅花吐幾分秋意冰清玉瘦正掩映紅窗伴儂
憔悴月淡煙疎露螢點點短叢綴 年時夜闌不

寐絳紗籠燭照微雨初霽素靨凝愁幽香釀韻別
有一般風味天涯此際定蕭瑟空階悵思前事浙
浙西風怕吹成粉淚

西江月

自題詞彙兼寄仙品妹

別緒逗將吟緒愁心翻作閒心美人香草意偏深
說與傷人不省 一自雁行雲散幾番月色花陰
何時一鼓海風琴共對西窗燭影

湘筠館駢體文

仁和孫雲鳳碧梧

湖樓請業圖序

夫清風明月東坡賦赤壁之游柳浪椒園右丞作
輞川之畫況乎門前積雪久深問道之心座上春
風曾被吹榮之化宜其徘徊舊地繪寫新圖矣彥
兮叔氏一樓小築三竺遙鄰占人世之仙都傷塵
寰之佛土平挹孤山之翠斜當夕照之峯曉日消
煙明湖開鏡花光乍滿紅侵遠寺之牆草色初齊
青接長隄之柳於是登斯樓覽斯景拂吟牀披祕

湘筠館駢體文

一

笈時翻書帙簾穿燕子之風亂撲窗紗檻落桃花
之雨刻意下丹黃之筆冥心搜金石之文亦既尚
友古人自求心得矣然而開卷有迷津之歎漆室
無燈聞鐘起叩響之思虛心似竹則有隨園先生
者星占太史殿是靈光華嶽名高海潮才大落墨
展雲龍之勢變化無窮飛身挾海鶴而游煙霞自
在數載傾心一朝北面求師念切果下榻於斯樓
好古情殷喜析疑於此日以棲遲之別館作安樂
之行窩汲汲從遊殷殷求益牙琴鼓處遙分晝藥
之聲絳帳開時倒入春波之影經當口授受九天

咳唾之珠法到眞傳下三匝兜羅之拜由是眼前
之鳶飛魚躍總屬天機樓外之水色山光無非名
理旣而山陰棹返謝眺樓空聽幽庭風竹之聲恍
疑杖響憶明月屋梁之句莫接顏溫問字樽閒談
經席冷海風一曲雲水千重藉以丹青紀其色笑
不特圖因事載行且地以人傳矣鳳曾侍蒙莊慚
非惠子叨爲小阮許附竹林同登泛海之航知君
得濟若問傳燈之業愧我難明對卷尾之佳篇溯
湖頭之陳蹟欲伸素願敢綴一辭得伏生古壁之
經更望傳於女子讀逸少蘭亭之序當亦有感於

斯文

湖樓送別序

夫太史有採風之職而周南多女子之詩此夏侯
所以授經義於宮中東坡所以遇名媛於海上也
況乎西湖之勝具見前人北海之樽重開今日哉
我隨園夫子行年七十婦孺知名所到四方裙釵
引領庚戌四月十三日因巾掃墓之車遂啟傳經
之帳鳳等摳衣負笈問字登堂一束之禮未修萬
頃之波在望暢幽情於觴詠雅會耆英作後學之
津梁不遺閨閣持符召客女弟子代使者之勞置

酒歌風武夷君作幔亭之會羣季乏地主之儀能
無愧也先生具門人之饌有是禮乎其時風雨有
聲煙波無際山花畱紅隄草縈綠不櫛進士競傳
擊鉢之詩掃眉才人獨逞解圍之辯或眞珠密字
寫王母之靈飛或吐綠攢紅畫仲姬之花竹鳳率
同小妹濫厠諸君旣衣香鬢影之如雲亦柳絮椒
花之滿牘雖偶儂以效顰有如獻醜勉趨承而引
頌愧不成章敢進一詞用呈微志記此日一卮別
酒饒湖邊小憩之樓待明年千里揚帆掃江上來
時之路

右湘筠館詩詞各二卷駢體文二首先從兄春巖
廉訪長女碧梧著碧梧生而端淑穎悟過人既長
工辭翰兼解音律嘗從父宦遊滇蜀間所至斐然
成咏多清新可誦自先從兄解組歸里碧梧長依
膝下花晨月夕與其妹仙品相酬和以爲樂後仙
品之嶺南鄭重言離百端交集故卷中憶妹之作
居其半焉碧梧詞愈于詩佳者絕似南唐北宋人
語而音多凄婉其所遇然也頻年善病不廢吟咏
間及繪事亦楚楚有致予每一過從必出近作相
質其虛衷好學有足稱者今秋九月二十一日卒
年五十一其弟廣宇謀刊其遺槩予愴然爲之編
次而綴數語于末嘉慶甲戌日長至花海孫顯元
識于異櫻齋

